



Vacanzas dall'uniun DIE Woche :-) a Tschamut

Jeannette Derungs / Petra Schmid

Naven dils 3 entochen ils 10 d'october 2020 ha l'uniun DIE Woche :-) puspei passentau ina jamna da vacanzas si Tschamut tier Iris ed Armin Giossi el hotel Rheinquelle.

Quell'uniun possibilitescha onn per onn a giuvenils ch'ei pertuccai da cancer da saver emblidar empau lur quittaus e guder ina jamna da vacanzas en nossa val. Ils menaders - principalmein l'organisatura Silvia Isgro - s'engaschan cun cor ed olma per crear in vast e bi program en nossa biala cuntrada.

L'Uniun da dunnas Tujetsch ei sedicidida uonn da surdar a quell'uniun las entradas ord ils suentermiezdis da troccas, las seras da giugs e las donaziuns dils participonts dil cuors da troccas ch'ei vegnius menaus atras 2019.

Il venderdis sera havein astgau prender part alla tscheina da finiziu e silsunter al turnier da poker che ha cuzzau tochen baul la damaun. Igl ei stau ina fetg biala e legra sera. Igl ei impressiunont co quels giuvenils damognan lur destin. Informaziuns da quell'uniun anfleis sut www.verein-die-woche.ch.



fotografia Ruedi Hunziker, Kölliken